



UNIVERSITÄTS-
BIBLIOTHEK
PADERBORN

Flores Meditationvm


Bebius, Philippus

Coloniae Agripp., 1623

Medit. 26. De magno mandato.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

6. Dicebat ad inuitatos parabolam. Merito de Christo dicitur: *zelus tuus comedit me*; P^{sal.} 68. 10. Ioan. 2. 17. qui vbicunq; esset, zelus diuini honoris, & salutis humane tenebatur, vt etiam in conuiuio, mores doceret & præcipue humilitatem; quam ab eo disceres.



MEDITATIO XXVI.
DE MAGNO MANDATO.

PVNCTA MEDITATIONIS.

I. Doctore roganti, quod esset magnum *Mat. 22.*
mandatum? Resp. Iesus: Dilige Do-

minum Deum tuum ex toto corde, anima, mente, viribus, &c.

II. Secundum huic simile Dilige proximum tuum, sicut teipsum.

III. In his duobus præceptis, vniuersa lex pendet, & propheta.

FIGVRA.

Dauid vir secundum cor Dei; fecit omnes voluntates Dei, non fuit ei similis. *Az. 13.*
22.

PROPHETIA.

Diliges Dominum Deum tuum, ex toto *Psal. 88.*
cordetuo, ex tota anima tua, & ex tota *21.*
fortitudine tua. *Di.*

- Le.** 9. *Diliges amicum tuum, sicut teipsum.*
18. *Si toto corde reuertimini ad Dominum*
1. Reg. 7. *Et c. seruite illi soli.*
Cum quaesieris Dominum Deum tuum,
Deut. 4. *inuenies eum. Si tamen in toto corde qua-*
29. *sieris eum.*

DOCUMENTA.

1. **Q**uamuis hic Legis Doctor, Dominum interrogasse videatur, potius animo tentandi, quam discendi, vt ille alius (Luc. 10. qui simile quid rogauit: *tentans eum*) tamen Christus Dominus veritatem sincere proposuit, tum propter honorem patris celestis, quem ubiq; augere desiderabat, tum, vt officio suo, & incarnationis fini satis faceret, de quo apud Pilatum dixit: *Ioan. 18. Ego in hunc mundum veni, vt testimonium perhibeam veritati.* Hanc alios iuuandi, honoremq; aeterni Patris promouendi, firim imitari nos conuenit; vt *opportune, importune* veritatem pro re nata, & conditione nostra, proponamus, ac circa hostes defendamus.
2. *Diliges Dominum Deum tuum ex toto corde* Et c. diligimus ex toto corde quando omnes cogitationes in eum reflectimus; ex tota anima, cum omnes affectiones in eum conuertimus; ex tota mente, cum omnes quinque sensus facimus ei seruire; ac nihil, nisi propter ipsum diligimus. *Vid. P. Alu. to. 1. l. 3. c. 16.*
3. **Q**uinque autem signa amoris comuniter obseruatur. 1. libenter colloqui cum eo, quem diligis. 2. eius domum adire. 3. secreta sua ei patefacere. 4. cum eo comedere. 5. eidem munera donare. Hac ipsa cum Deo facienda, vt libenter


MEDITATIONVM. 505

er cum eo in oratione, & meditatione collo-
quaris. 2. Templum, quæ domus eius est, cre-
bro adeas. 3. peccata tua etiam secretissima ipsi
per vicarium confitearis. 4. SS. communionem
sæpe usurpes. 5. si manera alia offerre nequeas,
aut eleemosynas in pauperibus, saltem omnia
opera tua offer ad eius gloriam, & maiora ad-
huc animo concipias.

4. *Diliges proximum*: hoc est, non tantum
amicum, vel Christianum quemlibet, vel tibi
notum; sed omnes homines, tam notos quam
ignotos; amicos, & inimicos, fideles, & infide-
les: quia omnes ad eius imaginem creati sunt,
& eiusdem parentis Adæ filii, pro quibus om-
nibus debemus orare, offensas condonare bo-
naq; temporalia, ac spiritalia illis precari, quia
pro his item omnibus Christus mortuus est.

5. *Huius simile*: tam enim necessaria est
nobis proximi dilectio, vt sine ea Deus ipse
diligere nō possit: dicite Apostolo 1. Ioan 4. *Qui
non diligit fratrem, quem videt, DEVM,
quem non videt, quomodo potest diligere?*

6. *In his duobus vniuersa lex pendet &c.*
non quod alia nulla præcepta sint; sed quia om-
nium, quæ præcipiuntur, consuluntur, prohi-
bentur, promittuntur, docentur &c. in scrip-
tura vel prophetis, finis est dilectio Dei &
proximi, sine qua, opera etiam optima nil
profunt ad salutem: vt proinde ad eam, vt fi-
nem omnia omnino dirigenda sint.



MEDITATIO XXVII.
DE VESTE NVPTIALI.
PVNCTA MEDITATIONIS.

I. *Dixit Iesus parabolā. Rex ad nuptias* Mat. 26.
filii